

Vun driweriwer

erscheint auf www.lenauheim.de

monatliche
Erscheinung

Dezember 2017

von Helen Alba

Es Krischkindl backt Kuche

Mir sin in der vierti Adventwuch. Liewi Leser, nor wenichi Täch trenne uns noch vum Fescht der Familie, vum Weihnachtsfescht. Es kleeni Heidi sitzt vorm Finschter un schaut naus, wie die Schneeflocke so luschtich dorch die Luft tanze. Es war geger fünf Uhr owets. Uf eemol gsieht des Kind jo, wie sich de Himmel geger Osten mit eem purpurrote Mantel iwerzieht. Heidi springt uf un rennt in die Kich, wu die Oma schun mit de Weihnachtsvorbereitunge anfang hat, es ruft ufgeregt: „Oma, schau doch mol, de Himmel färbt sich rot! Was kann des nor bedeite“?

Un die Oma holts Heidi uf ihre Schoß, schaut ins Abendrot un fangt zu verzähle an: „Ja, weescht du mei Schatz, es Krischkindl hat jetzt alli Händ voll zu tun. Es hat grad es Feijer im große Backowe angezind un backt munter druf los – ganz villi Lebkucheherzer, for de brave Kinner dermit e Freed zu mache“. Heidi muckst sich nit un iwerleet. Ufmol hats awer noch was ufm Herz: „Oma? Menscht du, dass ich brav genuch war un dass des liewi Krischkindl mir die Phupp mit dene blonde Hoor, die ich doneilich im Schaufenschter gsiehn han, bringe werd“? Do ment die Oma: „Do muscht du schun bis zum Heiliche Owet abwart“!

Heidi hat weiter brav gewart. E Owet druf heert jo des Kind e leises Kloppe am Stubefinschter. Es starrt zum Finschter un traut seine Aue nit. Dort, hinner der Finschterscheib, hupst die heiß ersehnti Phupp hin un her. Vor Schreck hat die Oma ihre Stricknodle falle gelosst, wie Heidi ruft: „Oma schau doch! Oma, mei Phupp! Es Krischkindl hat mer se gewies. Sicher werds mer die uner de Krischbaam leije“! Un so wars ach. Am Heiliche Owet hat Heidi die Phupp uner ihre Gschenker gfunn. Glickseelich holts die Phupp in de Arm un fangt zu bete an: „Krichkindl komm, mach mich fromm, dass ich in de Himmel komm“!

Lichterglanz

Wann mer in der Adventszeit owets dorch die Gasse geht, gsieht mer iwerall Lichterglanz: glänzendi Sterncher, Engelcher, Weihnachtsmänner, Lichtkerze. Die Finschre sin gschmickt, Kinneraue funkle. Awer wisse mer eigentlich, was des beideit, wann alli Finschtre hell erleicht sin? Ich han mol gelest, dass des e Zeichen der Nächstenliebe is.

Un mache mer mol die Aue zu un stelle uns vor, wie es am Heiliche Owet is: Mir sitze gemietlich mit unsrer Familie in der warmi Stub, rund um de Chrischbaam. Es gin Gschichte verzählt, Weihnachtslieder gsung, de Tisch is voller Leckerbisse. Die Gschenker gin bstaunt. Alli sin froh un glicklich.

Un derbei muss mer aa an die Leit denke, die leenich sin, die ke niemande han. Wie geht's dene an dem Heiliche Owet? Sitze die eensam un verloss derhem? Oder gehn se wohl spaziere un schau traurich in die erleichte Finschtre? Schwer zu saan, was in so eem eensame Mensch am Heiliche Owet vor sich geht. Drum misse mir, die mer e Familie han, in dere Zeit aach an solchi Mensche denke, die ke niemande han. Mer muss nor e bissl Freed an anri verschenke kenne – un schun is Weihnachte noch schenner – for uns un aa for sie!